



## Publicaziuns officialas dils 04-09-2020

---

### Damonda da baghegiar

Nr. 112/2020

Datum da publicaziun: 04-09-2020

Patrun: Maissen-Giger Rita, 7173 Surrein

Liug e parcelas: Surrein-Reits; 1440, 5052

Object: remplazzament da schalusas

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 04-09-2020

*Cumissiun da baghegiar*

### Elecziun supplementara

Gerau Ignaz Deplazes ha abdicau sin la fin digl onn 2020 sco gerau. La suprastanza communal engrazia a gerau Ignaz per la lavur prestada e giavischa ad el per igl avegnir tut bien.

Tenor art. 12 dalla constituziun communal ha liug tier talas abdicaziuns in'elecziun supplementara per il rest dalla perioda d'uffeci. L'elecziun supplementara ha la suprastanza communal fixau sin **ils 29 da november 2020**.

Tenor art. 21 dalla lescha da votaziuns ed elecziuns san ils vischinadis e gruppas d'interess da silmeins 15 votants far nominaziuns da candidats per il post che stat en elecziun.

Tuttas propostas per la gliesta officiala ein d'inoltrar a scret all'administraziun communal entochen ils 2 d'october 2020. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta officiala.

Mintga candidat proponius sto vegnir orientaus digl εμπrem sutsignau dalla gliesta ch'el vegni proponius sco candidat per in uffeci e sto confirmar quei cun sia sutscriziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Sumvitg, 04-09-2020

*Suprastanza communal*

## **Scamond d'encurir bulius**

Sebasond sils art. 11 e 12 dall'ordinaziun cantunala davart la protecziun dalla natira e dalla patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis persunas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 04-09-2020

*Suprastonza communal Sumvitg*

## **Uniun samaritana Sumvitg-Trun**

### **Caras samaritanas, cars samaritans, la pausa da stad va a fin...**

Bugen envidein nus vus a nies exercezi da **gliendisdis, ils 7 da settember** allas 20.00. Nus s'entupein a Trun sin la piazza da giug. Fagei schi bien e prendein cun vestgadira adattada alla temperatura ed ina cazzola da sac. Igl exercezi sespleiga cun las distanzas necessarias ni sch'ei fa basegns cun mascras. En cass da malaura porscha nossa scolasta Bettina in exercezi alternativ. Nus selegrein da puspei seveser cun biars e biaras da vus. Era ulteriur/-as interessent/-as ein cordialmein beinvegni. Amicabels salids *la suprastonza e la scolasta Bettina*

## **Uniun gimnastica da dunnas Rabius**

Invitaziun alla radunonza generala **gliendisdis, ils 14 da settember 2020, allas 20.00**

ell'ustria «Greina» a Rabius. Has ti gust da far gimnastica cun ina coola truppa da dunnas? Nus fagein fitness per gl'unviern, badminton, giugs sco per exempel unihockey, ballareit, ni tener nies tgierp fit cun step aerobic. Vinavon mein nus el fitness, spinning ni mein cun bike. Vegni semplamein gliendisdis alla radunonza, ni vegni inagada a fuffergnar! Annunzias tier Sandra Bearth (078 913 07 10) Nus selegrein da tei! *Il comité*

## **Frauenturnverein Rabius**

Hast du Lust mit einer coolen Gruppe zu Turnen? Wir haben ein abwechslungsreiches Programm zusammengestellt: Winterfit, Badminton, verschiedene Spiele wie Unihockey, Netzball, oder wir halten unseren Körper fit mit Aerobic. Weiter gehen wir ins Fitness, Spinning oder Biken. Komm doch an die Versammlung am **14. September** oder schnuppere einmal! Anmeldung bei Sandra Bearth (078 913 07 10) Wir freuen uns auf dich! *Der Vorstand*

## **Club da skis Trun**

### **Trenament polisportiv per affons**

Il club da skis Trun porscha durant igl atun in program variont per curridders da cuorsaliunga ed era auters giuvens sportists naven dall'annada 2014. Il plan da trenament ed ulteriuras informaziuns anfleis Vus sut [www.clubdaskis-trun.ch](http://www.clubdaskis-trun.ch) *Ils menaders e las menadras*

## **Apparat d'udida**

**Gliendisdis, ils 7 da settember 2020** saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan comunablamein quei survetsch gratuit per tuts interessents. Ei drova negina annunzia.